

建寧府志卷之二十

宦蹟

僑曰遺愛何稱去思此寧虛辭借哉善政在一時
公論在百世在古之蒞建者不可考矣後漢之時
為南部都尉其置守也自吳王蕃始逮於今茲守
令循良代不乏人至明設分臬遂有著聲屏翰幾
幾衮衣蔽芾之休以及教職之作人武功之靖亂
均之各有不朽者爰撫其實著於篇存德澤公是
非示勸戒也若其人尚翱翔仕路即輿論所歸例
不輒入姑有俟焉志宦蹟

建寧府志

卷之二十

宦蹟

二百四十

方

宦蹟

後漢

賀齊字公苗會稽人建安中閩亂孫策命齊進兵
討之遂為南部都尉

吳

陸宏姑蘇人績之子為南部都尉有惠政卒塋於
溪之飯伏里民廟祀之宋隆興二年以神過
之功賜廟額曰濟美

王蕃永安三年爲建安郡太守創置之始築城於溪南覆船山下建立郡治紀綱庶務厥功居多

晉

王彬字世儒丞相導從弟與母兄廙渡江揚州刺

史劉機辟爲參軍預討華軼以功得侯遷建安

太守樸素方直雖居顯位布衣蔬食仕至尙書

右僕射

張華爲建安從事以文學推重於時

劉宋

建寧府志

卷之二十一

宦蹟

二

二百十七

方

華瑾之元嘉初爲建安郡守徙治於黃華山下卽

今府城

齊

陶季直秣陵人永明中守建安爲政清靜百姓便

之遷黃門侍郎辭疾歸清苦絕倫家徒四壁

何嗣孕建武中守建安政有恩信民不忍欺每伏

臘縱囚還家依期而至

梁

何敬容瀋人天監中爲建安內史清公有績

到溉字茂灌彭城武原人少與兄洽弟洽其知名
天監中爲建安太守故與樂安任昉相善所餉
昉斑竹杖而已昉復寄詩求二彩段溉答詩曰
余衣本百結閩中徒八蠶假令金如粟詎使廉
夫貪累官吏部尙書溉舉動風華善於應對傍
無姬侍冠履十年一易世稱其清白云

陳

謝謁梁末守建安郡燬於寇因遷治溪西有惠政

蕭乾字思暢天嘉中爲建安太守陳寶應之亂閩

建寧府志

卷之二

宦蹟

三

二百六十一

万

中宰守并受其署置乾獨不屈徙居郊野事平
都督章昭達以聞文帝嘉之超授五兵尙書

唐

葉顯武德中爲建州刺史會妖賊武遇作亂嬰城
捍之城陷不屈歿民爲立廟于富沙著在祀典
張文琮山東武城人永徽中爲建州刺史除淫祀
令民止祭春秋二社安靖有惠政旣去民祀之
於城隍廟左廡

陸長源字泳之吳人建中初爲建州刺史明法令

均賦役闢田疇課農桑脩城郭設學校立市廛
興廉舉孝勸禮耆艾百姓歌之曰令我州郡泰
令我戶口裕令我活計大陸員外又曰令我家
不分令我馬成群令我稻滿困陸使君既去民
祀於城隍廟右廡

李頻字德新睦州壽昌人博通經史尤長於詩登
進士累遷都官員外郎乾符中表乞建州刺史
以禮法爲治更布條教時政亂盜興而建賴頻
以安卒於官父老扶柩塋於將相里永落川立

建寧府志

卷之二十

宦蹟

四

二百七十三

万

廟梨山祀之著在祀典

李彥堅字成實乾符間爲御史中丞黃巢寇閩僖
宗以彥堅閩人知山川險阻命守建州未至刺
史李乾祐棄城走彥堅招募民兵與賊戰於政
和不利死之

宋

許章字潛通僊遊人進士知建州政不苛細所至
有聲

王鼎字鼎臣館陶人皇祐間知建寧禁民生子不

舉時盜竄茶監者衆一切杖遣之監司數以爲言鼎弗爲變治最諸郡

陳闡字伯通倦遊人進士監建州興國監後知建州歲饑境內有競糶者令疑爲盜白於州闡曰一日之聚至數百人殆以餓死爭食非盜也推驗之果然遂杖而釋之

王伸字彥發邵武人進士知建州以治最聞官至司農卿

鮑祗紹聖間知建州明衆如神吏民信服既去民建寧府志

卷二十一

電頭

五

三頁十四

儀

圖其像祀於大中寺

方叔完知建州奏罷縣令監稅之不才者數人李德昭字子晉莆田人進士建炎初知建州先是州卒三百人屯廣州後聞賊葉儂平徑還州或疑其從叛請殺之德昭力言不可竟得全活謝病歸建人祠之於白鶴山

張銖紹興十四年知建州修築城郭留意學校又明年乞祠去

章服字德元其先浦城人宋初徙家永康紹興二

年進士以朝請郎知建州州軍糧久不給軍情
洶洶至日爭拜馬前時公帑緡錢不能三萬服
徐謂之曰第歸伍得一月次第給矣立案稅籍
得要領及期軍需沛然於是省教條寬科率吏
民信服

陳良翰字邦彥臨海人隆興中知建寧府在臺府
時歷詆奸倖直言無隱事上忠而自信篤士論
重之乾道初徙福建轉運副使

韓元吉字无咎潁川人初知建安縣用廣而賦畲
建寧府志

卷之二十

宦蹟

六

二百九十一

儀

乃貿遷鹽鹺以佐其費遷知建寧表率端莊篤
意學校創脩郡志以軍興調發功轉朝奉大夫
赴召去民甚懷之官至吏部尚書

洪邁字景盧番陽人皓季子也紹興十五年進士
知建寧府富民有睚眦殺人衷及篡獄者久拒
捕邁正其罪黥流嶺外

龔茂良字實之莆田人年十八登進士為吏部郎
官極論龍大淵曾覲之奸章再上除直秘閣知
建寧府廉勤有為

張大經字彥文南城人初爲禮部尚書屢請祠孝
宗曰卿公廉必能爲朕牧民以徽猷閣學士知
建寧府

鄭僑紹興中知建寧以公使錢爲下戶代夏輸而
力請損諸縣版帳之太重者光宗謂留正曰使
人人如僑民力其少紓乎尋移知福州

陳居仁知建寧府事歲饑出儲粟平其價以糴弛
逋負巨萬代輸畸零鹵稅觀察推官柳某死貧
不克歸二子行乞於道居仁與之衣食買田擇

建寧府志

卷之三

實蹟

七

二百十三

師教之

李訖嘉定六年由朝議大夫敷文閣待制守建州
建抵延平中流觸石人舟俱靡陸行則沿岡險
峻步履艱難訖乃出羨儲捐已俸倡民伐石爲
途自承天寺至延平高銅舖萬有伍千餘丈又
建靈濟陸坑陳坑硯坑肆橋於是道路如砥民
免涉水之虞

傅伯成嘉定中知建寧有治聲

史彌堅字固叔忠定公幼子以軍器監尹臨安見

彌遠入相引嫌出爲湖南安撫使來守建寧行義倉法真文忠公記之以兄久相數勸歸不聽遂乞祠

葉時字秀發括蒼人寶慶中以顯謨閣學士知建寧府清心飭躬以治以教脩廣學舍培養士類陳鏘紹定中福建招捕使兼知建寧府衢寇汪徐來二破常山開化勢張甚韓命將提兵夜薄其砦賊出迎戰驚曰此陳招捕軍也皆大哭韓急擊之衢寇悉平

建寧府志

卷之二十

宦蹟

八

二百八十九

衍

孫夢觀字守叔慈谿人紹定時知建寧府事蠲租稅省刑罰郡人徐清叟蔡杭以爲有古循吏風民有夢迎祠山神從者甚都起出視之則夢觀也俄而夢觀得疾卒

袁甫知建寧府郡屯左翼軍本備峒寇招捕司移之江西甫檄使還營俄寇作唐石卽調之以行賴以討平

姚瑋端平間知建州郡治及各城門皆重爲修建王埜字子文金華人知建寧府事陞辭理宗命之

曰游胡朱真風流未泯表宅里以率其民則于
汝懌至郡以游胡舊嘗有祠乃創建安書院祠
朱子而以真西山配享立齋舍延廖德明門人
鄭師尹及蔡元定孫煥典教事文教大興
程璜字子立休寧人嘉熙進士知建寧有善政
王遂寶章閣直學士朝請大夫知建寧府事兼管
內勸農使節制左翼軍屯戍軍馬淳祐三年二
月蒞軍文學政事有聞於時後累遷華文閣直
學士知隆興府兼江西安撫使

建寧府志

卷三

官

九

三百一十

包恢以建寧守袁甫薦爲府學教授監虎翼軍募
士豪討唐石寇後提點福建刑獄兼知建寧府
鄒誠字惟信固始人進士淳祐中爲建寧太守振
廢理寬興學作人尋以賦役繁重問閭苦需索
督責之令嘆曰吾何忍戀戀一官急催科以困
小民卽引疾謝政愛郭西天湖山水築精舍遊
憇因卜居焉子孫遂爲建州人

葉夢鼎字鎬之寧海人寶祐中知建寧府事決從
獄建橋梁置驛舍作大安關甚有善政

家鉉翁蜀人咸淳間知建寧府兼福建轉運副使
後簽書樞密院事元兵次近郊鉉翁不署降表
宋亾旦夕哭泣不飲食者數月後放還號處士
錫賚皆不受

李覺字仲明益都人通判建州將滿州人借留太
宗詔褒之

方甸通判建州兗渠范仙桂嘯聚騷動境內甸平
之

陳俊卿時以宰相出判建州者三人俊卿王淮梁

建寧府志

卷之二十

宦蹟

十

二百六十六

克家皆名重於時

汪應辰字聖錫玉山人紹興中爲秘書省正字以
言事忤秦檜出通判建州有政聲

陳洪字禹範南安人登嘉定甲戌第累官通判建
寧攝府事兵燹之後痛加撙節郡計以裕真德
秀薦其可用

洪天錫通判建寧府值大水發常平倉以賑民

陳綱字舉正同安人淳化中第進士爲建州觀察
推官故事歲春夏間率丁夫數萬爲採茶之後

以爲奪民時勞民力奏請以北苑園供御
外餘皆賦民收其租入在民者復定其值償之
詔如所請建民德之

鄭格福清人理宗時爲建寧司理豪貴有強取官
地爲屋者格力與之爭同僚謂之曰千年常住
一朝僧何自苦如此格曰寧壞一朝僧莫壞千
年常住卒復其地於官

陳中復熙寧中登進士第初爲福州懷安尉監建
州茶務植茶百萬本國課立辦

建寧府志

卷之二十

宦蹟

七

三百七十四

元

暗都刺色目人至順辛未任建寧路總管府兼管
內勸農廉勤愛民修學崇祀勸勉生徒

陳君用字子材延平人少負氣勇猛過人至正間
由南平尹以募兵破賊功授同知建寧路事後
率民援福州權同知副都元帥未幾戰死贈懷
遠大將軍同知浙東道宣尉司事副都元帥追
封潁川郡侯謚忠毅

彭庭堅至正十一年由崇安尹陞同知建寧路

管事時江南兵熾庭堅率民兵克復建陽又進

兵平浦城

詳見崇安宦蹟

謝珪字西蟾建昌人至正間本路權茶提舉以稱

職聞

鄒天瑞字文祥任建寧路教授一時文學蔚然興

起

徐一夔字大章天台人博學善屬文學士危素薦

為建寧路教授明洪武初徵修元史